

Қазақстан әйелдерінің қатысуымен кәсіпкерлікті дамытудың жекелеген мәселелері

Күшін жойған

Қазақстан Республикасы Үкіметінің 1998 жылғы 23 желтоқсандағы N 1323 Қаулысы. Күші жойылды - Қазақстан Республикасы Үкіметінің 2008 жылғы 23 сәуірдегі N 381 Қаулысымен

Күші жойылды - Қазақстан Республикасы Үкіметінің 2008.04.23 N 381 Қаулысымен.

Қазақстан әйелдерінің қатысуымен кәсіпкерлікті әлеуметтік қолдау және дамыту мақсатында Қазақстан Республикасының Үкіметі қаулы етеді:

1. Қазақстан Республикасының Шағын бизнесті қолдау жөніндегі агенттігі: әзірленіп жатқан Қазақстан Республикасында шағын кәсіпкерлікті дамыту мен қолдаудың 1999-2000 жылдарға арналған мемлекеттік бағдарламасында әйелдердің басым қатысуымен кәсіпкерлік құрылымдарды ұйымдастыру және қолдау жөніндегі іс-шаралардың арнайы тарауын көздесін;

тоқсан сайын, әйелдердің қатысуымен кәсіпкерлікті дамытудың барысы туралы Қазақстан Республикасының Үкіметіне хабарлап отырсын.

2. Екінші деңгейдегі банктерге әйелдердің қатысуымен кәсіпкерліктің жобаларын несиелендіру, сондай-ақ қажетті консультациялық қызмет көрсетулер жүргізу жөніндегі өз бағдарламаларын әзірлеу және қабылдау ұсынылсын.

3. Қазақстанның Ұлттық Банкі (келісім бойынша) тоқсан сайын екінші деңгейдегі банктер жүргізіп отырған, әйелдердің қатысуымен кәсіпкерлікті дамыту жөніндегі жұмыс туралы ақпаратты қорытсын және оны Қазақстан Республикасының Үкіметіне ұсынсын.

4. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі